



An Oregon we Ótóóten Atetenin Opposun Appet ren Phase 1a

I. Chon Ia

Mi mecheres an Oregon epwe afata io epwe pachenong non ew me ew phase ren opposun appet pwan ren attetenin ekewe phase inet chok fansoun fich. Nupwen ukukun safeien opposun appet me fansoun epwe war ese kon fatefateoch, ei ótóóten atetenin opposun appet ren Phase 1a mi atapwanapwan iwe mi ngeni Oregon an epwe afata eochu tichikin ainetin ekewe saffeien opposun appet epwe war.

Ewe Kumien Advisory ren Angangen Opposun Appet (ACIP) e mochen pwe ekkei group repwe pachenong non ewe phase repwe angei ar opposun appetin COVID-19 ("Phase 1a")¹:

- **Chon Angangen Tumwunun Semwen (HCP)**²: HCP mi pachenong ekewe ir mi kamo me ekewe rese kamo re angang non nenien tumwun³ ekewe repwe nomw orun ika rese nomw orun ekkewe mei semwen ika pisek mei wor monun paikin wor, mei pachenong metochun inisin aramas (e.g., Cha, tissu, me pwan ekkoch chenun non inis); pisekin angangen safei mei nimengaw, mettoch me mwesin; neni mei nimengaw; ika asepan mei nimengaw. HCP mei pachenong, nge ese keuk seni, chon angangen emergency (EMS), kangof, chon anisi kangof, chon mesemes won tumunun mei semwen non imw, dokter, technician, therapist, chon angang cha, chon angangen non nenien safei, chon sukun me trainee, ekkewe mei contract esapw wesen chon angang ngeni ewe neni, me ion esapw ir chon wesen angang non ewe neni rese tumunu mei semwen nge ir mei tongeni churi ewe semwen non nenien tumwunun semwen (awewe,

¹ Dooling K, McClung N, Chamberland M, et al. Ewe Kumien Advisory ren Angangen Opposun Appet ourour ren Kinikinin Nepwopwutan Angangen Pisekin Opposun Eppetin COVID-19 — United States, 2020. MMWR Morb Mortal Wkly Rep. ePub: 3 December 2020. DOI: <http://dx.doi.org/10.15585/mmwr.mm6949e1>

² Usun mei awewe seni ewe CDC: https://www.cdc.gov/coronavirus/2019-ncov/hcp/infection-control-recommendations.html#anchor_1604360694408

³ Seni ewe CDC, nenien safei a wewe ngeni "neni ikkewe epwe pekin tumunun safei epwe katou me pachenong, nge ese keuk seni, nenien tumunun semwen mei watte, nenien tumunu mei watte semwen non fansoun-nakatam, nenien apochokun sefan seni semwen ren inpatient, imwen tumun me imwen tumunun chinap, tumun non imw, sein uwei mei semwen (awewe, waa ir mei fori pekin safei), nenien safei outpatient, ren ekkewe nenian dialysis, ofein dokter, me pwan ekkoch." Katon ewe <https://www.cdc.gov/coronavirus/2019-ncov/hcp/infection-control-recommendations.html>

soumasen mwichefen, dietary, pekin angangen environmental, chon angangen nenien sopw, security, pekin engineer me pisekin non ewe neni, meinapen ofes, pekin niwiin me chon mesemes won volunteer).

- **Chon angang non ekewe Nenien Tumunun mi Semwenitam (LTCF)**⁴: Chon angangen LTCF mi pachenong mi muk re nom non ewe neni e aora sakopaten sapis, pachenong pekin safei me pekin tumunun inis, ngeni aramas rese tongeni pusin anisiir.

Non ekkkan ran mwach ren angangen katoun non Phase 1 (i.e., Phase 1b me pekinon), ewe ACIP mei menei pwe opposun appet epwe akoum ngeni ekkei groups:

- Chon angang mei weires ar angang
- Aramas epwe mecheres ngenir watten semwenin COVID-19 pokiten mi or ekkoch semwen ir mi nomw won
- Aramas 65 ierir me nap seni

Pwan sopwosopun ewe ótóót me pungun finata fan iten einetin opposun appetin COVID-19, OHA mi angang ngeni an Oregon kewe tiu einang mi afat me ren federal me pwan porous fengen me ewe Urban Indian Health Program won met ewe opposun appetin COVID-19 epwe tongeni aosukosuka ngeni ekkewe einang (me pwan manawan chochoon) minne ra fen finata ar repwe souni ewe inetin opposun appet.

Ekan phases repwe angei opposun appet mwach kan repwe angei advice seni an Oregon we Kumien Advisory ren Opposun Appetin COVID epwe keran for.

II. Anonopokuw Pekin Tumwunun Samwaau

Anonopokuw pekin tumwunun samwaau ina met mei auchea epwe nomw nukanapen angangen awora aninis nupwen fansoun a nafangaw aninis, nupwen a wattenno osukosuken semwen usun ren ei COVID-19. Usun a fen foruta meren ewe Committee won Anonopokun Pekin Tumwunun Samwaau an ewe Oregon Health Board, OHA a awewei ei anonopokun pekin tumwunun samwaau usun mei tetenitiw:

Oregon epwe forata ew an system ren pekin health ewe epwe awora anonopokun pekin tumwunun samwaau nupwen aramas meinisin repwe tori ukukun koukun ar pochokun me pochokunen inisir me esapw wor an epwe osukosuker pwokiten ir seni ew mwichen aramas, ian re feito me ian, foosun fonuwer, tufichingawen an inisir tongeni, ika ir met, ika ir mwan ika fefin, nonnomwur me ar tufich, me tipekinikin nefinen ekkewe community ika ir chon ian, ika pwan ekkoch sokkun mettoch epwe asokano nonomwun ew aramas.

An epwe tufichin pwonueta angangen anonopokuw pekin tumwunun samwaau mei menei an epwe sopwosopwono angang fengen nefinen ekkewe neni me kinikinin neni non ei state, pachenong ekkewe mwuun tribal:

- Ewe angangen atoura ika atoura sefani ren nongonong me nemenem epwe nonopok; me pwan

⁴ Usun met a mak seni Dooling K, et al. DOI: <http://dx.doi.org/10.15585/mmwr.mm6949e1>

- Epwe sineni, enenia, me ekewini sefani met mei fen fis ren angang ese pwung me wenechar.

Ekkewe tetenin ika annukun anonopwoku tumunun safei, epwe chiechi fengen me ekkewe annukun esapw wor-aipè, emweni-mei semwen non pungun-finata me atoura memefin ika porous nupwen atoura ewe pekin nongonong non ew neni mei weires.⁵

Fiti an awewei non tichikin porousen ekkewe kumi non ewe Phase 1a, OHA mi pwan fori an angang pwe fansoun einetin ewe opposun appet:

- **Opposun appet epwe toureoch** ngeni ekkewe ir mi pachenong me mochen repwe angei opposun appet non Phase 1a.
- **Esinesinen mumuta** epwe fis ika katonong.
- **Toureochun sakopaten kapasen fonu me porous mi anongonong won eoreni** mi kaor fan iten ewe opposun appetin COVID-19.

Ekkei foffor mi namot fan iten sakopaten sokkun aramas ir mi nonom non Oregon, me epwe ekisano ekewe foffor ese nénépék me mi aweiresi ekewe aramas mi sokonó anuwen unuchen inisiir, ekkewe einang, aramas mi or teriir, me ewe nukunukumang ngeni ewe system me nukunukumang ngeni ekewe opposun appet.

III. Einetin Opposun Appet me Anapanapan Attetenin

Non ei ótóót ren phase 1a, kefinin io epwe pachenong non ewe phase ren einetin opposun appet me attetenin io epwe angei ewe opposun appet e fiti eureuren ewe anapanap non ei kinikin. Fan iten an epwe nonopoik, emon me emon, neni me neni me sokkun mwokutukut minne epwe tongeni awora wattenon efeiengawen ewe semwen ika mefi watten efeiengawan ngeni nonomwun inisin ren angeien ewe monun semwen. Ew me ew osukosukan epwe tongeni ar repwe nenengeni ren mwokutun ika epwe kisino ika wattenon feiengawan. Pokiten ekkei osukosukan mei tongeni tori pwan ew, ekkoch sokkun pesepes epwe pwanchenong ekiekin sokopaten meininis ekkewe ruwanu osukosukan.

Ew awewe, epwe ukukkun esopw ewe semwenin COVID-19 non Oregon mei pwa won ekkewe aramas re nonom non nenien tumun non fansoun-nakatam. Napenon feiengawen ren nuwing non piong me mano mei pwa ren ekkei re nom non imwen tumun pokiten ir mei apwangapwang mei pwan wor ekkoch ar semwen. Nge ekkei sokkun feiengawen semwen mei pwan pwano ren neni mei chomong chon chufengen non ren nenien aramas me pwan neni aramas ra chufengen ie mei menei epwe wor tumunun semwen seni ekkewe chon angangen non pioing me tumunu nonomun aramas. Non pwisin nikinikin ar angang, chon angang ra angang non ekkewe imw ika neni mei watte feiengawen ar churi ewe semwen me pwan ar achèu fetanei ngeni ekkoch chon nom non ewe neni.

Nènépék tumunun manaw ne atoura ewe opposun appetin semwen me kokotun, me aninis me esinesin fan iten aninisin ei mwokutukut. Ew angangen anonopokuw-pekin tumwunun

⁵ Nengeni noun OHA taropwen "Okkot ren Angangen Anonopoku Aninis ren Pekin Health Non Fansoun Mei Nafangaw Pisekin Aninis" won <https://sharedsystems.dhsoha.state.or.us/DHSForms/Served/I273513.pdf>

samwaaui mei sineni pwe ewe angangen eimwumwu me nifinifin mei ennetin me awora an epwe osukosuka nonomwun aramas me chon ekkewe neni ren tumwunun samwau me mwen an epwe fis ei watten semwen non fonufan. Pwan ekkoch, non ei angang mei aweiresi ekkewe community ren aramas mei sokono anuwen unuchen inisir, ar èoreni me aramas mei wor terir, fiti fengen me ekkewe mei wor ar semwen mei watte, ir mei pachenong non weiresin ese wor nonopeok non pekin safei, tumunun me aninisin pekin imw, mwirino aner mongo me nafeoch, me pwan ekkoch. Aramas mei sokono anuwen inisir ir mei sokono inetir ese taitap ngeni ekkoch me ekkewe kinikin ren chon angang mei auchea. Iei mine, non Oregon ren aramas mei sokono anuwen inisir non community, ar èoreni me aramas mei wor terir ir mei apwangapwang ngeni semwen mei efeiengaw ren virus nupwen fan ekkoch resapw tour ngeni ar osupwang, iwe epwe wor angang non epwe fiti èoreni me tumun epwe ekis sokono.

Ei kokot mei for mei nom fan mei esinesin ren opposun eppet ifa usun mwokutun mei pesepes me non kokotun ei Phase 1a. Ei kokot mei pwan aea ren esinesinen mwokutun finitan ren met epwe fis ika non neni ese wor porous fan itan me non ei akkot usun chok an epwe anisata ew osukosuk ikkewe epwe pwan wor ekkoch mettoch epwe pwan pwano ren och osukosuk me ie. Ei kokot mei pwan tongeni epwe eoch non fansoun esinesinen pesepes ren mwirin nge epwe aworato ngeni ewe Committee ren Kokotun Opposun Eppet ren pwan ekkoch ekiek me angang.

Ei kokot mei mutata non fitu kinikin, fan ekkoch mei churi sokkun ekiek epwe pwan sokono, mei mut ngeni akkotun ren tufichin ew kinikin ika emon aramas me non ekkewe neni mei weires, ika fori angang mei weires an epwe akkota pekinon fan iten emon ika ew kinikin mei kisikis weiresin angang ie, nge nonopeok epwe napeno seni met angangen ewe osukosuk. Ei kokot mei pachenong ekkei:

- a. **Nonopeok.** Ei kokot mei aucheani nonopeok usun ew mettoch mei auchea non fansoun atoura me fori tumunun-manaw non pekin nongonongun safei. Ei auchean nonopeok mei fisita me pwano seni met mei fis non ekkewe ier sia tou seni me met mei fis iei ren osukosuken eipè, koput me riafou me non Oregon ren ekkewe community mei sokono anuwen inisir, mine mei aweiresi tumunun nonomun aramas me ar toureoch ngeni pekin tumunun safei.
- b. **Osukosuken emon me emon.** Osukosuken emon me emon ika met an weires epwe napeno an emon osukosuk ren ekkoch semwen ika pwe ei COVID-19 epwe tonong non ekiek. Osukosuken emon me emon epwe tonong non ekiek pokiten neoton ei nifinifin ngeni aramas me ese nonopeok angangen aninisin tumwunun samwaaui mine mei tori ekkewe mei osupwangen tour ngeni safei ren ekkewe community mei sokono onuwen unucher, ar èoreni me ekkewe mei wor terir.
- c. **Osukosuken non neni.** Nonomun neni ika osukosuk mei watte met mei fis ika pwano ren weiresin me feiengawen fetanin ei semwen ika ngaw ren pekin safei mei tonong non ekiek. Emon me emon seni community mei sokono anuwen inisir ir repwe kon nom me angang non neni ikewe mei wate feiengawen, me kisikis pekin tumun ie.
- d. **Osukosuken mwokutukut.** Osukosuken mwokutukut⁶ mei pwano napenon feiengawen fetanin ei COVID-19 me/ika chèunon ewe semwen nein aramas ir mei kon

⁶ Ei mwokutun anean mei tichiki an epwe pachenong an emon aramas angang me ekkoch wisan.

achichin ngeni watten semwen iei mei pwan nom non kokot. Emon me emon seni community mei sokono anuwen inisir ir repwe kon nom non angang ika ekoch mokutukut mi mecheres ar repwe angei monun ewe semwen. Ukukkun ewe semwen me non an Oregon kewe community ika ekkewe mei sokono anuwen inisir mei nom won unungat ngeni nimu nap seni ekkewe mei iteifeuno ar èoreni.

IV. Phase 1a Einetin Opposun Appet me Napanapen Attetenin

Fiti ekiekin pwe Oregon esapw naf ewe opposun eppet ren meinisin non Phase 1a ren mwitirin fetanin, Oregona a forata ew kokotun tetenin ren ekkan maram epwe eto an epwe katonong non kokot nupwen epwe fis ei osukosuk, pachenong nge ese keuk seni: kokotun ren osukosuken met mei for me asan, keukun non pioing, nenien-apatapat mei tichik me pwan ekkoch kokotun einet.

Ekkoch osukosuk ese nom non an Oregon pochokun me tongeni epwe katonong me tichiki ekkoch sokkun kokotun teten (awewe ren met ukukkun opposun eppet mei wor, tichikin nenien isois safei, ekkewe pharmacy ir mei chiechi ngeni federal, me pwan ekkoch.). Nge, ei kokot epwe anisi kich ach sipwe tufichin me esinesin ion epwe tongeni pachenong non ei Phase 1a, ach we kokot ren Phase 1a mei kefinita, usun chok ach we mapuni tetenin kokotun tour ngeni Phase 1a me mwen.

Ekkei tetenin kokot an OHA mei akot ren ion epwe angei opposun eppet me non Phase 1a, pwan usun an katonong tetenin poputan ewe Group 1 me mwokutun ngeni ew me ew kumi ren mumutan fetanin, usun met mei maketiwi ikei:

- **Group 1:** pioing; nenien pekin safei; kangof me HCP nenien tumun me chon nom ie; prokramun pekin tumun ren ekkewe èoreni; EMS chon angang me pwan ekkoch chon atawei osukosuk
- **Group 2:** ekkoch LTCF me neni mei chomong imw pachenong HCP me chon nom non; prokramun tumunun mei apwangapwang; tumunun semwenin weiresin mwokutukut me ekkoch mei weneiti; pekin tumunun waa; chon angang non imwen kanapus
- **Group 3:** non ewe outpatient mei anisi mei wate-semwen; chon tumunu mei semwen non imw; imwen safei neran; chon uwei chon safei ese-atapwanapwan (NEMT)
- **Group 4:** HCP non ekkoch outpatient, public health me nenien kaeo an kukkun semirit; chon angang non nenien mei mano

Mei auchea: Non ew me ew kumi, emon sokkun aramas ika neni ir **rese** mak ika nom non ekkewe kinikin me rese kokotun nom "non kumi" epwe for ew kokot fan iter. Nge esapw, touren non ew kumi mei maketiwi me fan mei for fan iten nakatamen ei mwokutukut me opposun eppet epwe kawor ren mumutan. Pwan napanon, **sipwe pwan aea ekiek mei tekia ren HCP usun mei awewe seni CDC won page 1, ewe mei pachenong ekkewe chon angang ir mei contract nge esapw chon angangen ewe neni.**

Tichikin porosan ren ifa usun an ekkei kumi kinikinitiw me awewen ina mei nom won ewe echo taropwe mwirin ei. Pwan sotosopun ngeni ekkei kumi mei maketiwi fan, emon aramas epwe uwau ei opposun eppet ngeni ekkei kumi mei maketiwi non ew me ew kinikin repwe pwan angei ei opposun eppet COVID-19.

- a. **Group 1** (pioing; nenien pekin safei; kangof me HCP nenien tumun me chon nom ie; prokramun pekin tumun ren ekkewe èoreni; EMS chon angang me pwan ekkoch chon atawei osukosuk) pachenong:
- Meinsin mei kamo me rese kamo chon HCP mei angang non **ekewe pioing, pioing mei imuno (awewe, ren nenien safei ese kamo non fansoun atapwanapwan) ika nenien safei chok iei** ion mei nomw orun ika rese nomw orun ekkewe mei semwen ika pisek mei wor monun paikin won.
 - Ren wewen ei kokot, ew **pioing** wewen **unusen pioing, mei kisikis chochon non ren pekin tumun non pioing, tumunun mei weires ar ekiek non pioing, pioing mei imuno seni ekkewe watte, ika ew nenien safei non imw mei afatetiw (SICF)**⁷.
 - Meinsin chon nom non⁸ kapach ekkewe ir mei kamo me rese kamo chon angangen tumun ika ekkoch angang ir mei nom orun ika rese nom orun emon chon nom non ewe neni ika pisek mei wor paikin won **kangof non ewe nen**⁹ ika **imwen tumunun ekkewe mei ngaw ar ekiek**¹⁰.
 - Meinsin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **Prokramun Tribal Health** ren ekkewe aramasen ew èoreni mei kefinita pwe repwe angei ei opposun eppet fansoun katou.
 - **Chon Atawei Pekin Tumunun Semwen Fansoun Atapwanapwan**¹¹ me pwan **ekoch chon atawei osukosuk akomw**¹².
 - **Chon Angangen Tumunun Aramas Non Èoreni**¹³ me **Chon Chiaku non Imwen Safei** ir mei angang non ekkewe neni mei afat me asan.
 - HCP ir mei fori **pekin tumun non èoreni non nenien safei** non ekkoch neni, pwachenong mwokutukut mei fiti-èoreni.

⁷ Pachenong ewe Imwen Atake an Semirit.

⁸ "Resident" wewen emon aramas a nonom non ei neni mei angei pekin aninisin tumun, safei ika kaeo ngeni wewen ewe popun mei afat non ei [ORS 443.400 to 443.455](#).

⁹ "Skilled nursing facility" wewen ewe mei tou non foun mak seni ORS 442.015 me wewen "ew imw ika neni mei pachengeni ew imw, ina mei tonong non angangen awora ekkewe sokkun tumunu mei semwen mei menei tumunun safei me met ekkewe mei semwen repwe angei ren pekin safei ika sokkun tumun seni kangof, ika ewe neni epwe awora aninis ren apochokunen aramas ren emon io mei feiengaw ika semwen ika fen wor terir."

¹⁰ Nenien tumunun mei ngaw non mokurer wewen nenien tumun mei wor chon nonom non, ekkewe chinap, ika mei wor kangof non ir mei fori angangen tumun ngeni chon nonom ir mei semwenin monuki ika ese chiwen fat ar ekiek non community me ekkewe neni mei lisençe seni ewe Putain Human Services non Oregon fan nurun ewe annuk OAR 411, Division 57.

¹¹ Ei EMSP ew neni mei license fan nurun ewe ORS 682.216 and OAR 333, Division 265.

¹² Pachenong pekin akkei me apochokunen annuk.

¹³ Usun mei awewetiwi non ei [ORS 410-180-0305](#). Ren sopesopun esinesin won Angangen Tumun non Pekin Èoreni, ka tongeni katon ewe <https://www.oregon.gov/oha/OEI/Pages/About-Traditional-Health-Workers.aspx>

b. **Group 2** (ekkoeh nenien tumun¹⁴ me neni mei wor chon nonom non ren pekin tumun, HCP, meinisin chon angang me ir mei contract; prokramun tumunun mei apwangapwang; tumunun semwenin weiresin mwokutukut; pekin tumunun waa; chon angang non imwen kanapus) pachenong:

- Meinisin chon nom non¹⁵ kapach ekkewe ir mei kamo me rese kamo HCP ir mei nom orun ika rese nom orun emon chon nom non ewe neni ika pisek mei wor paikin won **nenien tumun non fansoun-nakatam** ese wor kangof mei watte ar sinei non me imwen tumunun ekkewe mei ngaw ar ekiek.
 - Pachenong **imwen tumunu mei apwangapwang** me **imwen tumunun ekkewe chinap**¹⁶.
- Meinisin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **ekewe prokramun nenien tumun mei apwangapwang**¹⁷.
 - Pachenong meinisin chon awora angangen tumun nge ese pwan nifinifin ia ra fori ia ar angang, inpatient ika outpatient.
- Meinisin chon nonom non ekkewe neni me mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **imwen ekkewe ra mukono ese wor iner me semer**
 - Pachenong **Imwen ekkewe mei weires mokutur me ekkewe mei mukono ese wor iner me semer**.
- Meinisin chon nonom non ewe neni mei nom non ewe keukun ier ren opposun eppet usun mei afat seni FDA, kapach meinisin mei kamo me rese kamo chon HCP/angangen pekin chok tumun ion mei nomw orun ika rese nomw orun ekkewe mei semwen ika pisek mei wor monun paikin won ra angang non **imwen tumunun semirit me mei mukono mei weires ika mang ar ekiek (I/DD)**.
- Meinisin chon nonom non ekkewe neni me mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **ekewe neni mei license ren pekin tumunun mei weires foforur me mwokutur**, pachenong:
 - **Imwen Safeni Aramas Mei Weires (RTH), Nenien Safeni Aramas Mei Weires (RTF) me Nenien Tumunun Safeni Mei Weires (SRTF)**

¹⁴ 443.400 (8):

"Residential facility" wewen nenien tumunu semwen, asukuna chon nonom non, nenien safeni chon nonom non, imwen asukuna chon nonom non, anisi ika safeni chon nonom ika nenien asukuna kapas.

¹⁵ "Resident" wewen emon aramas a nonom non ei neni mei angei pekin aninisin tumun, safei ika kaeo ngeni wewen ewe popun mei afat non ei [ORS 443.400 to 443.455](#).

¹⁶ "Residential care facility" me "assisted living facility" ra mak wewen non ewe OAR 411, Division 54.

¹⁷ Imwen tumunu mei apwangapwang a mak wewen non ewe [ORS 333-035-0050](#)

- **Nenien Ekkewe Mei Angei Safei mei Ngaw me Osukosuken Gamble me Nenien Aier ika Asoso seni Fofor mei Putak**
- **Prokramun Asoso Seni Sakaw**
- **Nenien Anisi Ekkewe Mei Osukosuk Ekiekir**
- **Chon tumunu waa me uwei chon angang ngeni** aramas ir mei semwen non ewe nenien tumunu ekkewe mei weires foforur.
- Meinsin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **pekin tumunun mwokutun aramas me met mei weneiti, pachenong nge ese keuk seni Tumunun Community Mei Mosonoson (ACT)**.
- Meinsin chon nonom non ekkewe neni me mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **neni mei license ren Imw Fan Iten-Community (CBSH) neni** (awewe, imw mei achupach fengen).
- Meinsin mei kamo me rese kamo chon angang (pachenong DOC chon angang me contract) ion mei nomw orun ika rese nomw orun ekkewe mei semwen ika pisek mei wor monun paikin won ra angang non **Putain Imwen Kanapus non Oregon (DOC) neni**.
 - Pachenong meinsin chon angang, pachenong ekkewe chon maasa imwen kanapus me chon uwei ekkewe mei nom non kanapus.
- Meinsin mei kamo me rese kamo chon angang (pachenong OYA chon angang me contract) ion mei nomw orun ika rese nomw orun ekkewe mei semwen ika pisek mei wor monun paikin won ra angang non **Putain Serafo non Oregon (OYA) neni**.
 - Pachenong meinsin chon angang, pachenong ekkewe chon maasa nenien isoni serafo me chon angang ngeni mei nom non kanapus.
- Meinsin mei kamo me rese kamo ion mei nomw orun ika rese nomw orun ekkewe mei semwen ika pisek mei wor monun paikin won ra angang non **ekewe prokramun OYA-mei certified non community**.
- Meinsin mei kamo me rese kamo chon angang, pachenong contractor, ion mei nomw orun ika rese nomw orun ekkewe mei semwen ika pisek mei wor monun paikin won ra angang non **nenien fotek**, pachenong ekkewe ir mei fori angang non fofoun aramas, mwokutukut, pekin ngingi/tumunun ngingi me awora aninsin safei.
 - Pachenong meinsin chon angang pachenong chon uwei ekkewe mei nom non kanapus.
- **Chon Angangen Tumunun Aramas Non Èoreni** me **Chon Chiaku non Imwen Safei** ir mei angang non ekkewe neni.
- HCP ir mei fori **pekin tumun non èoreni non nenien safei** non ekkoch neni, pwachenong mwokutukut mei fiti-èoreni.

- c. **Group 3** (non ewe outpatient mei anisi mei wate-semwen; chon tumunu mei semwen non-imw; imwen safei neran; NEMT) pachenong:
- **Chon Angangen Tumun Neimw, Chon Angangen Pekin Aninis** me meinisin mei kamo me rese kamo chon HCP/tumunun mei awenewen ngeni ion mei nomw orun ika rese nomw orun ekkewe mei semwen ika pisek mei wor monun paikin won ra angang non **imwen tumunu mei semwen, non-imw pachenong angangen kangof, aninis non-imw me aninis neran.**
 - **Saam me iin**, pachenong **chon nouni semirit**, me **me chon tumunu mei semwen ren safei mei tichik semirit ika mei mukono** iokewe ra nonom non imw¹⁸.
 - **Semirit** ion mei nom non ewe keukun ier ren opposun eppet usun mei afat seni FDA, **ika ekkewe mei mukono ir mei nom non imw me mei wor an watten semwen ika mei wor terin** nge mei menei aninis seni nukun ren pekin tumunun safei, ika tumun awenewen ngeni an epwe tour ngeni aninis non imwan.
 - Meinisin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **imwen anounou mei popo** ika fori **pekin anounou non imw.**
 - Meinisin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **ekewe nenien safei neran.**
 - Meinisin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **nenien dialysis**
 - Meinisin mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **nenien kaun safei (MAT) pekin aninis.**
 - **Chon uwei chon safei ese-atapwanapwan** (NEMT) angang.
 - **Chon Angangen Tumunun Aramas Non Èoreni**¹⁹ me **Chon Chiaku non Imwen Safei** mine ese makenong non ekkewe Kumi akomw.
 - HCP ir mei fori **pekin tumun non èoreni non nenien safei** non ekkoch neni, pwachenong mwokutukut mei fiti-èoreni.
- d. **Group 4** (meinisin ekkoch outpatient, public health, nenien kaeo an kukkun me chon angang non nenien mei mano) pachenong:

¹⁸ Menei angang me ekkewe kumi non prokram non pekin Medicaid me ODDS an epwe afata ion tonong non awewen ei fos "safean semirit mei weires me ekkewe mei mukono"

¹⁹ Pachenong meinisin THW me pekinon ekkewe mei tonong non ewe Tier 1.2, usun mei awewetiwi non ei [ORS 410-180-0305](https://www.ors.gov/ors-410-180-0305). Ren sopesopun esinesin won Angangen Tumun non Pekin Èoreni, ka tongeni katon ewe <https://www.oregon.gov/oha/OEI/Pages/About-Traditional-Health-Workers.aspx>

- Meininis mei kamo me rese kamo chon HCP ion mei nomw orun ika rese nomw orun ekkewe mei semwen ika pisek mei wor monun paikin won ra angang non **ekkewe outpatient**, *pachenong nge ese keuk seni*:
 - HCP mei angang non nenien reirei non ew chok ran me nenien ngeni aramas safei non outpatient.
 - HCP mei awora pekin tumun non founoun aramas non outpatient, tumun aaw/safean ngingi, weiresin safei mei ngaw, ngaw non mokur, tumunun maan, non lab, forun safei, chon fori angangen cha me opos.
 - HCP mei fori angangen ateteni me eimuni tumunun safei, pachenong nge ese keuk seni pekin tumunun mei semwen ren chuu, pekin aean safei seni puun, rawa me acupuncture.
 - Chon sukunen pekin kangof, nenien sukunen-pekin tumunu semwen HCP me nenien sukuken tumunun manaw HCP.
 - HCP io mei fori angang awenewen ngeni, pachenong pekin tes (awewe, public health, chon atawei osukosuk non fansoun atapwanapwan, ekkewe nenien safei non community me chon angangen community-based).
 - HCP mei fori angang ren pekin angei cha seni aramas fan iten aninis ngeni ekkoch.
- HCP/awenewen angangen tumun nge ese pachenong ekkewe asan io mei awora **angang awenewen ngeni aramas ir mei I/DD** me ekkoch epwe watte-feiengawen semwen rer.
- HCP ir mei angang non ekkoch **public health** ika **nenien kaeo an kukkun semirit**.
 - Pachenong HCP mei angang non WIC, Head Start me fori angangen mwokutun Churi Aramas non Imw.
- **Chon tumunu mei mano** - pachenong state me sopw ren ekkewe chon cheki ika tumunu safean mei mano, chon cheki mei mano, pekin chosani mano, chon makei porousen mano, chosani mano ren annukun-safei, ekkewe ar ewe nenein isoni mei mano, chon angang non nenien mei mano me ekkoch chon tumunu pekin mano ion mei nomw orun ika rese nomw orun ekkewe mei semwen ika pisek.
- **Chon Angangen Tumunun Aramas Non Èoreni**²⁰ me **Chon Chiaku non Imwen Safei** mine ese makenong non ekkewe Kumi akomw.
- HCP ir mei fori **pekin tumun non èoreni non nenien safei** non ekkoch neni, pwachenong mwokutukut mei fiti-èoreni.

²⁰ Pachenong meininis THW me pekinon ekkewe mei tonong non ewe Tier 1.2, usun mei aweweitiw non ei [ORS 410-180-0305](https://www.ors.gov/410-180-0305). Ren sopesopun esinesin won Angangen Tumun non Pekin Èoreni, ka tongeni katon ewe <https://www.oregon.gov/oha/OEI/Pages/About-Traditional-Health-Workers.aspx>

V. Mwokutun Kotonongen Tungor

Ekkei teten, chomong a fen nom non amokutu, epwe sopesopono usun mei auchea non ei kinikinin katonongen mwokutun tungor me akomw:

- Non meinsin, OHA mei ekieki pwe nefinen 300,000 me 400,000 aramas repwe tour ngeni ei opposun eppetin COVID-19 non ei Phase 1a. Angang mei nom non amwokut ngeni keukun fite ukukkun aramas non ew ekkei kum me non Phase 1a.
- Angang ngeni chiechiach kewe sipwe tour fengen porous ren unusen porousen Phase 1a ren kokotun (mi nom non amwokut).
- Angang ngeni chiechiach kewe me ach kewe community pwe sipwe fori tichikin mwokutun/kokotun inetin ren meinsin ion mei nom non ei Phase 1a.
- Awora ew foforun kokotun atoura esinesin won angang me amwokut.

Forisefan Porousan	
Pwinin Maram	Ekesiwin
12/18/2020	Forisefan itenapen ewe taropwe. Itenapen taropwe me akomw: An Oregon Kokotun Inetin Opposun Eppet non Phase 1a. Pacheta Safei Seni Puunun Fonu. Amweta ewe footnote 20 wewen chon anangang ngeni mei mano ngeni non unusen ewe taropwe. Ekis ekesiwin mwirin anea sefan ewe taropwe.

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, aweve ren fosun ekis, epwe mesemong ekkewe mak, ika non nikinikin noun mei chuun. Kokori ewe Center ren Pworousen Health won 1-971-673-2411, 711 TTY ika COVID19.LanguageAccess@dhsosha.state.or.us